

沈氏尊生書卷十五

傷寒論綱目

沈金鰲輯

厥陰經

厥陰經脈

綱仲景曰傷寒脈滑而厥者裏有熱也白虎湯主之

目喻昌曰滑爲陽脈其裏熱熾盛可知故宜行白

虎湯以解其熱與三陽之治不殊也

魏荔彤曰此言厥陰傳經熱邪盛於裏勿誤認爲寒邪也傷寒

厥陰病必有厥厥之爲寒爲熱迥別如厥陰病而證俱厥似寒邪矣然脈見滑滑者大而數也與沉細

遲數相反矣是熱邪在裏也此內爲真熱外厥以現假寒乎非也其厥者卽他條所云凡厥者陰陽氣

不相順接之凡厥也乃陰陽氣不順接所致也不必陰盛陽衰氣不順接可以成厥卽陽盛陰衰氣不

順接亦可成厥也故必診脈之滑而知熱在裏當急救其絕陰以制亢陽不當目爲孤陽上浮之假熱

明矣主以白虎湯寒涼以治熱兼辛散以發升俾熱隨肝木發達於表亦出邪之道路乘勢宜然也

綱仲景曰傷寒腹滿譴語寸口脈浮而緊此肝乘脾也名曰縱刺期門

目朱肱曰足厥陰肝之經厥者

盡也靈樞曰亥爲左足之厥陰戌爲右足之厥陰兩陰俱虛故曰厥陰夫陰盡爲晦陰出爲朔厥陰者

以陰盡爲義也。其脈循陰器而絡於舌本也。脈弗榮則筋急。筋急則引舌與卵。故唇青舌卷而卵縮。其尺寸俱微緩者。知厥陰經受病也。大抵傷寒病藏府傳變。陽經先受病。故次第傳入陰經。以陽主生。故太陽水傳陽明土。土傳少陽木。爲微邪。陰主殺。故木傳太陰土。土傳少陰水。水傳厥陰木。至六七日。當傳厥陰肝木。必移氣尅脾土。脾再受邪。則五藏六府皆困而危殆。榮衛不通。耳聾囊縮。不知人而死矣。速用承氣下之。可保五死一生。古人云。脾熱病。則五藏危。又云。土敗木賊。則死。若第六七日傳厥陰。脈得微緩微浮。爲脾胃脈也。故知脾氣全不再受尅邪。無所容榮。衛將復。水升火降。則寒熱作而大汗解矣。厥陰肝之經。主消渴。氣上撞心。心中疼熱。饑不欲食。食則吐衄。下之利不止也。若陰氣獨盛。陽氣暴絕。則爲陰毒。其證四肢逆冷。臍腹築痛。身如被杖。脈沉疾。或吐或利。當急灸之。服以辛熱之藥。令陽復而大汗解。古云。辛甘發散爲陽。謂桂枝甘草乾薑附子之類。能復其陽氣也。微用辛甘。甚則用辛苦。陰極發躁。陰盛似陽。以脈別之。楊士瀛曰。脈法曰。脈浮而緊者。名曰弦也。弦爲肝脈。

綱仲景曰。厥陰中風。脈微浮。爲欲愈。不浮。爲未愈。目朱肱曰。傷寒六七日。煩滿囊縮。其脈尺寸俱微緩。此足厥陰經受病也。厥陰病。其脈微浮。爲欲愈。不浮。爲未愈。宜小建中湯。脈微緩者。必囊不縮。外證必發熱惡寒似瘧。爲欲愈。宜桂枝麻黃合半湯。若尺寸脈俱沉短者。必是囊縮。毒氣入藏。宜承氣湯下之。

蘇頌曰厥陰之脈微緩不浮。中風病傳厥陰。脈轉微浮。則邪還於表而爲欲愈。魏荔彤曰此言厥陰病得愈之脈。以明厥陰病邪之去路。標六經盡處以立治。卽傷寒六經之大法也。凡以邪之盛者久必衰。邪之入者久必出。亦由其人陽氣原旺。病邪不能久處於中。則必行其經盡而自愈。但厥陰爲三陰之盡。其邪行經盡而欲出。舍少陽無路也。又舍太陽無門也。故厥陰一經爲寒。邪得自直中者。由少陰而起。溫之散之。亦由少陽之半表而透太陽之表。爲熱邪得自傳經者。亦由少陽而傳升之。畢之。亦必由少陽之半表而透太陽之表。故在厥陰言邪之去路。則不論爲寒爲熱。舉由此也。試驗於脈。本厥陰病脈應沉中。或見緊。或見數。俱非微脈也。亦有陽脈而脈微者。則浮沉取之俱微也。今沉取不緊不數。如平人知陰分之邪已離矣。浮取見微。知陽分之邪欲透矣。此微卽太陽中風之陽浮而陰弱也。夫厥陰病何以言中風。以脈見微而於浮取得之。旣非無根之陽外脫。亦非厥陰之陽內陷。是厥陰之邪隨陽氣由少陽達太陽欲愈之機也。故可以厥陰中風名其病。見厥陰而病具。太陽中風之脈。則陽升邪脫。可識經盡得解之候也。也是全於浮之一診決之。浮則愈。不浮則未愈。可知邪透表則病已。未全透表則病未已。主治者桂枝湯。升陽驅邪之用。仲師他條所言。攻表宜桂枝湯者。正此處吃緊也。蓋邪已由陽有達太陽透表之勢。故不用復從少陽爲治。而用柴胡。但治太陽卽以治少陽。且正所以治厥陰也。

綱仲景曰：傷寒脈微而厥。至七八日膚冷。其人躁無暫安時者。此爲藏厥。非虵厥也。虵厥者。其人當吐。虵今病者靜而復時煩。此非藏寒。虵上入其膈。故煩。須臾復止。得食而嘔。又煩者。虵間食臭出。其人故吐。虵吐虵者。烏梅丸主之。又主久利。**綱**喻昌曰：此條微有千百年來無識之者。昌於篇首總括大意。挈出胃陽。胃陽竊原有所自。藏厥者。正指胃而言之。虵厥者。正指胃而言之。曰脈微而厥。則陽氣衰微可知。然未定其爲藏厥虵厥也。惟膚冷而躁無暫安。乃爲藏厥。宜用四逆及灸法。其厥不回者主死。虵厥則時煩時止。未爲死候。但因此而馴至胃中無陽。則死也。烏梅丸中酸苦辛溫互用。以安虵溫胃益虛。久利而便膿血。亦主此者。能解陰陽錯雜之邪。故也。

綱仲景曰：下利脈沉弦者。下重也。脈大者。爲未止。脈微弱數者。病欲自止。雖發熱不死。**綱**寇宗奭曰：下利而下重。卽痢證也。無論病在傷寒中。不在傷寒中。其證皆爲厥陰肝經所主。若惟用寒涼。有傷肝木暢達之性。將日益陷下。便難救療。惟辨陽氣之升降。使陽升則愈。陽陷則危也。喻昌曰：下利而脈沉弦。主裏急後重。成滯下之證。大者。卽沉弦中之大。微弱數者。卽沉弦中之微弱數也。脈微弱數。雖發熱不死。則脈大身熱者。其死可知矣。

綱仲景曰：下利有微熱。而陽脈弱者。令自愈。下利脈數而渴者。令自愈。設不差。必圖膿血。以有熱故也。下

利脈數有微熱汗出。令自愈。設復緊爲未解。下利寸脈反浮數。尺中自澀者。必圞膿血。目魏荔彤曰。此二條申解厥陰下利。診脈以爲審辨。定邪之升降爲愈否也。厥陰病陽升爲吉。陽降爲凶。要在下利一證固已然。下利中亦有正陽升降之機。不可不詳辨之。以定其愈不愈。未可因一下利而卽謂厥陰病中之不可救藥者也。如下利微熱而渴爲陽證。而利爲因熱也。診之脈弱。陽氣上升。脈必浮。自無沉緊。是陽升本脈。非陽虛病脈也。且渴亦陽盛熱越上焦之理。合觀脈證。可勿治而令自愈。蓋下利脈應沉緊。陰盛則脈必沉遲。今雖厥陰下利。脈自弱中帶數。是陽原易升。表原易透。病原欲罷。故令自愈。而勿妄治也。設不愈。其人必圞膿血。豈脈不應證乎。非也。熱邪入陰分已深。因陰分有熱。遽不能已。故不愈。倘下利脈數熱微。則陽必上升。透表邪隨汗出。由厥陰竟達少陽而邪出矣。又入陰分深留滯於中。不能得脫。則熱入內蓄。必致便膿血。亦猶少陰之便血爲熏灼腸胃。污穢隨下。均一義也。設不弱而緊。非寒邪復中表裏。則爲陽已深陷。豈能遽解。此診脈必審陽氣升降之故。以明厥陰病之愈否。此要訣也。再就膿血證言之。亦於診脈識之。寸反浮數。陽升汗出。病愈無疑。而尺中自澀。則陽雖上浮。而陰中有熱以溷之。是熱入之深。壅閉陰分。故必圞膿血。將陽隨利下陷。失其浮而復爲緊。致不可解也。此二條皆就熱邪傳入厥陰。致成下利而辨其正陽之升降。以定病機進退也。學者勿混正陽爲熱邪。又不可

謂正陽升外。別有熱邪。應除斯可。與言治厥陰熱邪矣。又二條正是首條中段不愈之注。示人診得寸脈浮數應愈。因尺澀故便膿血不愈也。原文不出方知急辨證也。證明而用方在乎其人矣。

綱仲景曰。傷寒始發熱六日。厥反九日而利。凡厥利者。當不能食。今反能食者。恐爲除中。食以索餅。不發熱者。知胃氣尚在。必愈。恐暴熱來出而復去也。後三日脈之。其熱續在者。期之。旦日夜半愈。所以然者。本發熱六日。厥反九日。復發熱三日。并前六日亦爲九日。與厥相應。故期之。旦日夜半愈。後三日脈之。而脈數。其熱不罷者。此爲熱氣有餘。必發癰膿也。曰喻昌曰。少陰經中內藏真陽。最患四逆。故云吐利手足不逆冷。反發熱者。不厥。厥陰經中內無真陽。不患其厥。但患不能發熱。與夫熱少厥多耳。論中恐暴熱來出而不去。後三日脈之。其熱尚在。形容厥證重熱之意。讀者不可草草。然得熱與厥相應。尤無後患。若熱氣有餘。病勢雖退。必發癰膿。以厥陰主血。熱與血久持不散。必致壅敗也。魏荔彤曰。厥陰病以厥爲重。而厥與發熱二者。又必詳辨其時之久暫。與氣之盈絀。此乃病之進退大關。不容不明者。發熱六日。反厥九日。再熱三日。陰陽之數各均矣。夫陽入陰九日。陽出陰又九日。一出一入。卽一屈一伸。一屈一伸。卽一曲一直。木之本性也。在三陽之少陽。爲往來寒熱。屬府。故陽陷者淺。而往來之時暫。在三陰之厥陰。爲出入厥熱。屬藏。故陽陷者深。而出入之時久。旦日夜半愈者。陰陽數九極。數極必變。夜

半陽生。故愈也。肝爲血藏。熱溷其中而發癰。此見厥陰以陽陷爲病。以陽升爲愈。而陽升必透表而散。方爲全愈。若仍在厥陰。灼灸爲患也。是升猶之乎未升也。凡仲景言曰。皆約略之詞。如此九日亦未可拘總。以熱與厥較。其均平耳。如熱七八日。厥七八日亦可。卽熱五六日。厥五六日亦可。不過較量其陰陽盛衰。非定謂必熱九日。厥九日。方可驗準也。原文言厥陰病。始發熱六日。卽知其邪自少。陰傳來爲熱邪也。何也。少陰病無發熱。發熱卽爲愈機。至傳厥陰。必反發熱。以少陰在三陰爲陰經之裏。故熱不能發。厥陰在三陰雖爲陰盡處。而與少陽相連。表裏故熱可得發也。

綱仲景曰。傷寒脈結代。心動悸者。炙甘草湯主之。脈來緩時一止復來者。名曰結。脈來數時一止復來者。名曰促。陽盛則促。陰盛則結。此皆病脈。又脈來動而中止。更來小數。中有還者。反動。名曰結。陰也。脈來動而中止。因而復動者。名曰代。陰也得此脈者。難治。脈警警如羹上肥者。陽氣衰也。脈縈縈如蛛絲者。陰氣衰也。浮而虛大者。陽已無根。沉而虛細者。陰已無根。其脈浮而汗出如流珠者。衛氣衰也。脈綿綿如瀉漆之絕者。亡其血也。傷寒欬逆上氣。其脈散者死。謂其形損故也。脈浮而洪。身汗如油。喘而不休。水漿不下。形體不仁。乍靜乍亂。此爲命絕也。同柯琴曰。首條寒傷心主。心不主脈。失其常度。故結代也。結代皆陰脈。傷寒有此。所謂陽證見陰脈者死矣。二條脈以五至爲平。太過不及。是陰陽偏勝。

失其常度也。偏勝之脈。更爲邪阻。陽邪盛而數中見止。名曰促。有急趨急蹶之象。陰邪盛而緩中見止。名曰結。有綿綿瀉漆之狀。陽盛可知爲陰虛之病脈。陰盛可知爲陽虛之病狀矣。三條陰陽相搏而脈動。傷寒見此。是形冷惡寒。三焦皆傷矣。況有動中見止。更來小數。中有還者反動。宛如雀啄之狀。不以名促。反從結名者。以其爲心家真藏之陰脈也。更有動而中止。不能自還。因而復動。宛如蝦遊之狀。不可名結。因得代名者。以乍疎乍數。爲脾家將絕之陰脈也。五條脈浮爲陽盛。法當無汗。而反汗出如流珠。是陽虛不能衛外而爲固。絕汗出矣。陰虛不能藏精而主血。綿綿其去如漆矣。六條外寒傷形。內寒傷氣。欬不止。氣上升。脈散而不朝。心肺之氣已絕矣。七條脈浮而洪。不是死脈。而汗出如油。是心液盡脫。陽反獨留之脈也。

吐衄

綱仲景曰。厥陰之爲病。消渴。氣上撞心。心中疼熱。饑而不欲食。食即吐衄。下之利不止。**目**宋肱曰。此是厥陰證。或病人有寒。復發其汗。胃中冷。及因發汗後身熱。重發其汗。胃中虛冷。故吐衄。先用理中丸。次用烏梅丸。**翼**信曰。傷寒有不必厥逆。但吐衄者。雖有大熱。忌下涼藥。犯之必死。蓋胃中有寒。則衄不安其所而上膈。大凶之兆也。急用理中湯。加烏梅二個。川椒十粒煎服。待衄定。却以小柴胡湯退熱。

李中梓曰吐衄而渴。理中湯加大黃入蜜利之。陶華曰吐衄若下之利不止。用四逆湯。張介賓曰凡治傷寒。若見吐衄者。雖有大熱。忌用寒涼。蓋胃中有寒。陽氣弱極。則衄逆而上。此大凶之兆也。急用炮薑理中湯。加烏梅二個。花椒一二十粒。蓋衄聞酸則靜。見苦即安也。柯琴曰太陰厥陰皆以裏證爲提綱。太陰主寒。厥陰主熱。太陰爲陰中之至陰。厥陰爲陰中之陽也。太陰腹滿而吐。食不下。厥陰饑不欲食。食即吐衄。同是不能食。而太陰則滿。厥陰則饑。同是一吐。而太陰吐食。厥陰吐衄。此又主脾主肝之別也。

綱仲景曰傷寒脈微而厥。至七八日。膚冷其人躁無暫安時者。此爲藏厥。非衄厥也。衄厥者其人當吐衄。今病者靜而復時煩。此非藏寒。衄上入其膈。故煩。須臾復止。得食而嘔。又煩者。衄聞食臭出。其人故吐衄。吐衄者烏梅丸主之。又主久利。國戴元禮曰胃中冷必吐衄。吐衄人皆知爲陰也。然亦有陽證吐衄者。蓋胃中空虛。既無穀氣。故衄上而求食。至咽而吐。又看別證如何。不可專以胃冷爲說。曾醫一人陽黃吐衄。又大發斑。陽毒證口瘡咽乾。吐衄皆以冷劑取效。是亦有陽證矣。王肯堂曰衄厥者其人手足冷而吐衄也。藏厥者死。陽氣絕也。衄厥雖厥而煩。吐衄已則靜。不若藏厥之躁無暫安時。病人藏寒胃虛。衄動上膈。聞食臭則出。因而吐衄。舌燥口乾。常欲冷飲。浸口不欲嚙。衄上煩躁昏亂欲死。兩手脈沉。

遲足冷至膝。甚者連蜺并屎俱出。大便秘而不行。此證雖險。都可救治也。

按戴氏陽證吐蜺之說。

除中

綱仲景曰。傷寒脈遲。六七日。而反與黃芩湯。徹其熱。脈遲爲寒。今與黃芩湯。復除其熱。腹中應冷。當不能食。今反能食。此名除中。必死。目劉完素曰。除者。除去也。與除夕之除同義。夫脈遲爲寒。胃中真陽已薄。不可更與涼藥。蓋胃煖乃能納食。今胃冷而反能食。則是胃之真氣發露無餘。而胃陽亦必漸去。而不能久存。故必死。腹中卽胃中也。魏荔彤曰。此爲陽虛陰寒。家立法見厥陰一證。原寒熱雜合。其盈虛消息之機。全在臨時斟酌。爲陽氣盛熱有餘。則越之散之。甚且涼之下之。爲陰氣盛熱不足。則升之舉之。甚且溫之補之。俱難一以爲治也。此固爲厥陰傳經之邪言之。而不止此也。傷寒中何經不然。雜病中何證不然。故此條俱未嘗專指厥陰也。學者可不察乎。

綱仲景曰。眼睛不慧。語言不出。而設食反多者。此爲除中。口雖欲言。舌不能言。傷寒始發熱六日。厥反九日而利。凡厥利者。當不能食。今反能食者。恐爲除中。食以索餅。不發熱者。知胃氣尙在。必愈。恐暴熱來出而復去也。後三日脈之。其熱續在者。期之。旦日夜半愈。目楊士瀛曰。除中者。藏寒應不能食。今反能

食是也。有三證。悉屬厥陰。其一由誤服黃芩湯而致。期以必死。其一則熱少厥多。胃氣在者。愈暴來出。而復者死。其熱續在者生。此不因藥故也。其一至眼不慧。舌不能言。則爲壞證。必死。

氣上撞心

綱仲景曰。厥陰之爲病。氣上撞心。心中疼熱。飢而不欲食。食卽吐。虬下之利不止。曰成無己曰。氣上沖者。腹中氣時時上沖也。此汗吐下後之疾。雖經下之。邪猶在表故也。痞病氣上沖咽喉。亦由誤汗吐下而生。魏荔彤曰。此言厥陰病傳經熱邪爲患。歷舉其證以驗之。示誤下之禁也。傷寒之邪傳入少陰。爲裏中之裏。及自少陰傳厥陰。又爲三陰之極盡處矣。陰盡處受邪。亦無所復傳。却由同表裏之少陽。爲升降之出路。故在陽明有下法。在少陰亦有下法。今陰盡之極。則少陽固無下法。厥陰更無下法。下之爲誤可知矣。然邪在少陰。原分寒熱。邪在厥陰。亦必分寒熱。邪由傳經入少陰者。爲熱。及遞傳厥陰。不問而知爲熱矣。惟是厥陰病中。若直中寒邪。亦自少陰起而入厥陰。是寒熱皆由少陰而來。大足相混也。試先言傳經自太陰而來。爲熱邪者。能辨乎。此則由少陰直中而起之寒邪。自可徐考。而識之。厥陰病得於傳經爲熱邪者。先驗其證。首曰消渴。凡熱必渴。然寒濕隔阻正氣。亦有渴。渴欲飲水。必不能多。未有渴而飲。飲而仍渴。隨飲隨消。隨渴者。故隨飲隨消。隨渴則爲傳經之熱邪。傳入厥陰無疑也。少

陰居下。厥陰居中。熱漸傳上。則上焦必受熏灼之害。爲消渴。爲氣上撞心。爲心中疼熱。皆少陰之邪熱緣木而升者。竟入肝爲病。木火交熾。而諸證見矣。然又有饑不欲食。食則吐。虵之證者。何也。蓋邪從少陰傳來。本自三陽傳入。病久胃虛。邪熱乘之。虵因胃氣虛。則不能安伏於胃底之下。又熱乘之。反浮游於胃口之上。於是胃虛而熱。則多饑。虵在胃口。故不欲食。食入而食在虵上。則相安。食入而虵反在食上。則必吐。虵此又厥陰病中旁及之胃病也。醫家或見熱證。謂宜下。再見胃病。又謂宜下。漫爲下之。大誤矣。少陰之傳厥陰。其勢駸駸日上矣。治之如法。則邪可從少陽而散。亦如陽明傳少陽。爲邪出之門戶也。反逆其勢而下之。陰性本降。再經誤下。利何能止乎。仲師於厥陰中。首揭不可下之禁。見厥陰病無論爲寒爲熱。俱不可下也。

綱仲景曰。病如桂枝證。頭不痛。項不强。寸脈微浮。胸中痞鞅。氣上沖咽喉。不得息者。此爲胸有寒也。當吐之。宜瓜蒂散。國寇宗奭曰。此蓋未經汗吐下作膈實。故宜吐也。王肯堂曰。氣撞心疼者。厥陰本病也。如氣上沖。不吐。虵者。爲陽證。若沖咽不得息者。瓜蒂散吐之。往來寒熱者。奔豚。陰拘攣者。陰陽易。卒口噤者。剛瘕。與汗吐下之後。各有證治方法。學者詳之。

胸脇滿痛
腹滿痛

綱仲景曰傷寒熱少厥微指頭寒。默默不欲食。煩躁。數日小便利。色白者。此熱除也。欲得食。其病爲愈。若厥而嘔。胸脇滿煩者。其後必便血。目吳綬曰。治脇下痛。加枳殼青皮。桔梗芍藥。脇下鞭。加牡蠣粉。若憎寒拘急。往來寒熱。而胸脇滿者。加桂枝白芍。俱小柴胡湯內加之。李時珍曰。此宜小柴胡湯。抵當湯。黃芩芍藥湯。魏荔彤曰。此就邪熱之微。陽氣之出。易於升舉而得愈者。明之也。若小便色不白。卽熱少厥微。然有煩躁病在日久鬱內。無所宣洩。遂致上沖下注。且下肝藏之血。示人不可輕忽其微熱也。此條總是一串成文。

綱仲景曰。婦人發熱惡寒。經水適來。熱除脈遲。身涼胸滿。如結胸狀。譫語者。刺期門。吐下後。脈微。心下痞。脇痛。氣上衝咽。眩冒。脈動惕者。必成瘕。下後。脈弦者。必兩脇拘急。脇下素有痞。連在臍旁。痛引少腹。入陰筋者。名藏結死。目王肯堂曰。左右者。陰陽之道路。脇之部也。宿痞在脇。則陰陽之道路不通。故邪不得傳經而直入於藏。是以死。

綱仲景曰。病人手足厥冷。脈乍緊者。邪結在胸中。心下滿而煩。饑不能食者。病在胸中。當須吐之。宜瓜蒂散。目吳綬曰。胸滿多用吐法。實者瓜蒂散。虛者人參蘆。或以香蘇散送下。以手探喉中吐之。亦可。傷寒三四日。已傳少陽。脈弦口苦。發熱而胸滿。小柴胡湯。胸中滿悶者。加桔梗枳殼各二錢以利之。胸脇

滿而煩者。加瓜蒌實三錢。黃連一錢半。活人治胸滿。氣痞不寬。只用桔梗枳殼各二錢。生薑五片。名曰枳殼湯。凡心之上。胸之分。宜枳殼。心之下。胃之分。宜枳實。蓋枳殼能洩至高之氣。枳實洩至低之氣。瓜蒌仁能洩肺。滌胸中痰垢之要藥也。故胸滿而煩。必加之一法治痞氣胸滿。用小麥麩一二升。以生枳殼切半同炒令熱。去枳殼。以帛包麩熨胸中。冷則易。則氣易散而愈。

腹滿痛

綱仲景曰。下利清穀。不可發表。汗出必腹滿。下利腹脹滿。身體疼痛者。先溫其裏。乃攻其表。溫裏宜四逆湯。攻表宜桂枝湯。傷寒嘔而腹滿。觀其前後。何部不利。利之則愈。傷寒四五日。腹中痛。若轉氣下。趣少腹者。此欲下利也。因成無己曰。嘔而腹滿。氣上而不下也。視其前後部有不利者。則利之以降其氣。前部小便也。後部大便也。或用五苓散。或用小承氣湯。張雲岐曰。傷寒邪在三陰內。不得交通。故爲腹痛。手足之經。皆會於腹。如脈弦而腹痛。過在厥陰肝。太陰肺。刺太谿太淵太陵脈。沉而腹痛。過在太陰脾。少陰腎。手厥陰心包。刺太谿太陵脈。沉細而腹痛。過在太陰脾。少陰心。刺太白神門三陰交。此刺腹痛之法也。魏荔彤曰。二條乃言直中厥陰之寒邪。有急行溫裏之法。徐可升舉其陽。由厥陰而少陽。以返於太陽之表也。下利本證也。腹滿痛。陰寒內結也。身體疼痛。寒邪拘急也。此必先使陽回於

少陰而後厥陰之侵及者可徐圖之。且寒邪本自少陰發源。源頭之陽水既溫。則灌漑於肝木者皆春。泉矣。是溫腎卽以溫肝也。然不攻其表。則厥陰本經之陰寒留滯不散。於是用桂枝攻表也。首條下利清穀。則裏寒陽微可審。不先溫裏回陽。遽發其汗。邪卽散。陽必亡。陽愈衰。陰愈盛。腹滿猶小患也。必至厥冷不還。脈微至絕矣。豈非失於溫裏乎。三條乃預防下利之因也。轉氣下趣爲寒。爲熱。俱有此證。凡傷寒證中見此。則知其爲欲自利。然在陽明胃邪則爲欲下行之機。在厥陰肝邪則爲欲下陷之候。邪欲其去。以下利而痊。正欲上升。以下利而危。必然之理也。

少腹滿急

綱。仲景曰。尺寸脈微緩者。厥陰受病也。當六七日發。其證少腹煩滿而囊縮。病者手足厥逆。言我不結胸。小腹滿。按之痛者。此冷結在膀胱關元也。脇下素有痞。連在臍傍。痛引少腹。入陰筋者。名藏結死。目王肯堂曰。少腹下焦所治。當膀胱上口。主分別清濁。冷結在膀胱。或用真武湯。夫胸中滿。心下滿。皆氣也。腹滿者。多有燥屎也。少腹滿者。有物聚也。蓋身半以上。同天之陽。身半以下。同地之陰。清陽出上竅。濁陰出下竅。故在上滿者。氣也在下滿者。物也。物者。溺與血耳。邪結下焦。則津液不通。血氣不行。或溺或血。留滯而腹脹也。若小便利者。蓄血之證。小便不利者。溺澀證也。俱是熱病。惟冷結膀胱。少腹

滿一證。爲寒病。有手足厥冷。可辨。

綱仲景曰。太陽病不解。熱結膀胱。其人如狂。血自下。下者愈。其外不解者。尙未可攻。當先解外。外解已。但少腹急結者。乃可攻之。宜桃仁承氣湯。**目**成無己曰。如狂者。熱在下焦。必與血相搏。若不蓄。爲熱迫之。則血自下。下則熱隨血出而自愈。不下則血爲熱搏。蓄積於下。而少腹急結。乃可攻之。以下熱散血。內經曰。從外之內而盛於內者。先治其外。後調其內。此之謂也。

囊縮

綱仲景曰。尺寸脈微緩者。厥陰受病也。當六七日發。其證少腹煩滿而囊縮。**目**朱肱曰。厥陰病。其脈微浮。爲欲愈。不浮爲未愈。宜小建中湯。脈微緩者。必囊不縮。外證必發熱惡寒似瘧。爲欲愈。宜桂枝麻黃合半湯。尺寸俱沉短者。必囊縮。表氣入腹。宜承氣湯下之。大抵傷寒藏府傳變。陽經先受病。次傳入陰經。以陽主生。陰主殺也。若六七日傳厥陰。脈得微緩微浮。爲脾胃脈也。故知土氣不受尅。邪無所容。榮衛將復。水升火降。則寒熱作而大汗出矣。王好古曰。厥陰病者。煩滿囊縮。大小便不通。發熱引飲。腹滿。尺寸脈俱微緩。煩者火也。滿者木也。雖不吐衄囊縮。但急者亦木也。火木相合。四肢厥逆。而爪甲青。大小便不通。地道塞也。發熱引飲。邪氣在裏。宜溫之下之。以上諸證。大小便俱通。地道不塞。不發渴。